



2014

Bases completas do V Certame "Deseña unha xoia para a túa nai"

O Colexio Oficial de Xoiaría de Galicia convoca a V edición do Certame Deseña unha xoia para a túa nai.

1.- Participantes

O concurso está aberto a nenas e nenos de Galicia, de 0 a 12 anos (inclusive) e divídese en catro categorías:

- Ata os 4 anos incl.
- De 5 a 7 anos incl.
- De 8 a 10 anos incl.
- De 11 a 12 anos incl.

2.- Premios

O xurado seleccionará **80 deseños finalistas, 20 por categoría**, aos que se lles outorgará un diploma acreditativo da participación. Entre os finalistas de cada categoría entregaranse **tres premios (1º, 2º e 3º premio)**:

os deseños gañadores de cada grupo faranse realidade por xoieiros profesionais, no metal que estes entendan idóneo, e serán entregados aos seus autores antes do día da Nai.

A xoia final, cando a execución técnica da peza así o requira, será unha interpretación do profesional que a realice.

3.- Desenvolvemento do certame

▪ A partir do luns 20 de xaneiro 2014, o **Colexio Oficial de Xoiaría de Galicia** (en adiante **COXGA**) comezará a distribuír dípticos de participación. Poderán descargarse igualmente da web do **COXGA**: www.coxga.es

▪ Os debuxantes deberán deseñar no espazo en branco reservado no díptico e cubrir todos os datos requiridos na ficha de participación.

▪ O prazo de presentación dos deseños é **do luns 20 de xaneiro ao martes 25 de marzo 2014**, en calquera dos **Establecementos Colaboradores** (listado completo publicado na web e na sede do **COXGA**): www.coxga.es

COXGA
rúa Ramón Cabanillas, 5-7, 2ºB -
15701 Santiago de Compostela (A Coruña)

▪ **Cada participante poderá presentar un único deseño.**

▪ Aínda que, pola natureza do premio, se requira que a participación sexa individual, para facilitar a entrega, **os colexios ou profesores poderán remitir nun único envío os deseños correspondentes aos seus alumnos.**

▪ A partir do 26 de marzo, reunirse un xurado composto polas persoas que se determinarán con anterioridade (profesionais do sector da xoiaría, educación, prensa e do mundo da arte).

▪ Tomando como base para a súa valoración a creatividade do autor e a súa capacidade para representar a peza no deseño, a viabilidade da súa execución, dacordo coa súa idade, **os membros do xurado seleccionarán 20 debuxos finalistas por categoría e de entre estes elixirán os 3 deseños gañadores de cada grupo, correspondentes ao 1º, 2º e 3º premio.**

A decisión adoptada por maioría do xurado será inapelable.

▪ A entrega de premios farase en Santiago de Compostela, o venres 25 de abril 2014.

Para máis información, consultar a páxina web do **COXGA**: www.coxga.es que estará constantemente actualizada.

4.- Aceptación das bases e notas aclaratorias

▪ Os autores e, no seu nome os seus titores/representantes legais, aceptan expresamente cumprir todas e cada unha das bases deste concurso. O seu incumprimento dará lugar á exclusión do participante do certame.

▪ Os datos dos participantes serán incorporados a un ficheiro de titularidade do **COXGA**, que tratará para a organización e xestión do concurso. Poderanse exercer os dereitos de oposición, acceso, rectificación e cancelación dirixindo un escrito ao **COXGA**

rúa Ramón Cabanillas, 5-7, 2ºB

15701 Santiago de Compostela (A Coruña)

▪ Os nomes e imaxe dos participantes, profesores e centros escolares, poderán ser obxecto de comunicación pública nas accións que o **COXGA** poida levar a cabo relacionadas co certame.

▪ Todos os participantes ceden ao **COXGA** o uso e explotación dos debuxos e deseños presentados, que poderán ser obxecto de reprodución, recreación, para a súa exposición e/ou difusión pública por calquera medio de comunicación.

▪ Os profesionais da xoiaría, que executen as pezas, ceden ao **COXGA** todos os dereitos de explotación das xoias elaboradas a partir dos debuxos e deseños dos participantes.

▪ Os deseños premiados quedarán en propiedade do **COXGA**. Os demais presentados poderán ser retirados na oficina do Colexio, devolvéndose á mesma persoa que os presentou, previa comprobación da súa identidade e previo aviso á oficina. Para o caso de deseños remitidos en envíos conxuntos dende un centro escolar, poderás solicitarse a devolución do mesmo xeito.

▪ O prazo de solicitude de devolución será dun mes dende a data da entrega de premios, transcorrido o cal, procederase á destrución das tarxetas non recollidas.

▪ O **COXGA** resérvase a interpretación das presentes bases, prevalecendo o seu criterio en caso de discrepancia.

▪ O **COXGA** resérvase o dereito a introducir unha nova categoría de premios, ademais dos previstos, en base á participación.

Santiago de Compostela, a 14 de xaneiro do 2014

Información, bases e fotos das edicións anteriores en www.coxga.es e no Facebook do Colexio Oficial de Xoiaría

Colexio Oficial de Xoiaría

Ramón Cabanillas, 5-7, 2º B - 15701 Santiago de Compostela (A Coruña) - 981 598 858 - info@coxga.es - www.coxga.es

